

GOBIERNO DE NAVARRA

ECONOMÍA, HACIENDA, INDUSTRIA Y EMPLEO

CULTURA, TURISMO Y RELACIONES INSTITUCIONALES

PRESIDENCIA, JUSTICIA E INTERIOR

EDUCACION

DESARROLLO RURAL, MEDIO AMBIENTE, Y ADMINISTRACIÓN LOCAL

SALUD

POLÍTICAS SOCIALES

FOMENTO

SEGURIDAD Y EMERGENCIAS

3.600 pertsona baino gehiagok parte hartuko dute aurtengo udan Nafarroako gazte-kanpaldietan, Erronkarin gehienak

Nafarroako Kirol eta Gazteria Institutuko datuen arabera, 66 kanpaldi eta ibilaldi egingo dira, iaz baino hiru gehiago

Lunes, 20 de julio de 2015

3.600 pertsona baino gehiagok, parte-hartzaileak eta arduradunak kontuan hartuz, parte hartuko dute aurtengo udan Nafarroako hainbat parajetan egingo diren 66 gazte-kanpaldi eta ibilaldietan, Erronkaribarren bereziki.

Nafarroako Kirol eta Gazteria Institutuan eskuragarri dauden datuen arabera, ekainaren 21 eta abuztuaren 15 bitartean 44 kanpaldi egingo dira, eta kanpin-dendak nahiz beharrezko zerbitzuak dituzten barruti itxitan egiten dira; 22 ibilaldiak, berriz, ibiltariak dira, eta bertako parte-hartzaileek gauero leku ezberdin batean igarotzen dute gaua. Guztira, iazko uda baino 3 ekintza gehiago; orduan, 63 kanpaldi eta ibilaldi egin ziren.

Parte-hartzaile gehienak Nafarroa eta Euskal Autonomia Erkidegokoak dira, nahiz eta Aragoi, Katalunia, Madrilgo Erkidego eta Valentziako Erkidegoko gazteak ere badiren. Ekintzak gazte-elkarteek antolatzen dituzte bereziki, scout metodologiarena bereziki, Erronkaribarreko enpresa batek ingeleseko kanpaldiak eskaintzen baditu ere.

Gertakizunei aurre nola egin

Aurreko urteetan bezala, Nafarroako Gobernuak jarduera-protokolo bat ezarri du ekintza horiek egiteko orduan izan daitezkeen edozein gertakizuni aurre egiteko. Bertan parte hartzen dute, Gazteriaren Zuzendaritzaorde Nagusiak, Nafarroako Larrialdi Agentziak, Foruzaingoak, Nafarroako Osasun Publiko eta Lan Osasuneko Institutuak, Lehen Mailako Arretaren Zuzendaritza Nagusiak, Ingurumen eta Uraren Zuzendaritza Nagusiak eta Guardia Zibilak.

Gainera, Gazteriaren Zuzendaritzaorde Nagusiak 24 orduz zaintzeko langileak ditu eta, telefono mugikorren eta posta elektronikoen bidez, kanpaldi eta ibilaldien arduradunei izan daitezkeen meteorologia-alertei buruzko informazioa ematen diete (ekaitzak, haizeak, tenperatura



Gazteen kanpaldia.

altua). Bestalde, suhiltzaileen parkeek ekintza horiek non egiten diren, zenbat parte-hartzaile eta haien adina zein den dakite.

Azkenik, Gazteriako teknikariek eta Foruzaingoak ikuskapen-bisitak egiten dituzte kanpaldietan behar bezala egiten direla eta indarrean dagoen araudia betetzen dela egiaztatzeko. Zehazki, segurtasun eta osasuneko neurriei arreta berezia jartzen diete, esaterako: ur-tratamendua, hondakin-bilketa, komunak, suaren erabilera eta ebakuazio-plana.